

Expeditionis Alexandri descriptio ex Plutarchio,

Curtio, Iustino, Arriano.

Alexander Magnus Philippi Macedonum Regis Filius initio 106 Olympiadis sexta die Hecatombæonis natus est *Pella*, Macedoniæ Opido, quo die Templum Dianæ Ephesiæ ab Herostrato incensum arsit. Primam ætatem aptam sapientiæ studiis sub Aristotele doctore consumpsit. Postea sub Patre militans rudimenta tyrocinii sui deposuit annos natus decem & octo, quo post biennium defuncto, quum suscepisset Imperium, excursionem fecit ad *Istrum* usque in *Triballos*, & *Getas*, ac cum *Germanis* foedus iniit. Hinc se convertit ad *Thebanos* quorum urbem evertit, ipsos sub corona vendidit, excepta, honoris causa *Pindari* Poetæ stirpe. Inde quum in conventu *Isthmico* dux belli a Græcis lectus esset contra Persas, consulto *Delphis* Apolline, coactisque copiis xxxi millium peditum, equitumque xv millium quingentorum, in quibus milites omnes veterani, multi etiam emeriti, ductores plerique sexagenarii, spei plenus, agros suos omnes, & villas, & pagos amicis dono dedit, reliquumque Imperium suum varie distribuit. Transmisso *Hellesponto*, in *Sigæo* ad *Acchillis* tumulum sacra fecit. Interea Persarum copiæ haud procul inde ad *Granicum* amnem in campis *Adrastis* confederant, Græcos Asiæ aditu prohibituræ, sed prima congressione fusæ victæque sunt: Victor trophæum posuit, *Alexander Philippi*, Et *Græci*, Præter *Lacedæmonios*, De *Barbaris Asiaticis*. Inde oram omnem maritimam obiens, cepit *Sardeis*, *Ephesum*, *Miletum*, *Halicarnassum*, & quicquid præterea in eo tractu Urbium est, usque ad *Ciliciam* & *Phœniciam*: tum *Pisidas* & *Phrygas* quorum in urbe *Gordo* fatalem nodum dissecuit: tum *Paphlagonas* & *Cappadocas*. Darius interea cum ingenti militum numero ad *Isum* castra promovit: Eodem tendens Alexander quum *Tarsum* venisset, seque in flumen *Cydnium* lavandi causa dedisset, gravem morbum contraxit, quem *Philippus* medicus tametsi prodicionis accusatus, feliciter intra diem octavum sanavit. Congressus cum *Dario* Persas fundit fugatque: Capræ eo prælio *Darii* Mater, & *Statira*, Vxor pariter & Soror regia, cum Filiabus. *Cyprii* ultro se dedunt. *Tyrri* expugnantur. *Gaza* cum universa *Judea* *Syriaque* subacta. Profectus hinc ad *Armenonem* Alexander oraculi causa, non multo post *Alexandriam* condit. *Dariumque* nuptias Filiae cum magna regni parte offerentem non audit, sed Macedonica phalange fretus vim ferro facit, cunctaque cis *Euphratem* partis adiicit. Ergo *Darius* extremum apud *Gausamalam* discrimen belli tentaturus, cum x centum millium copiis vincitur. Hinc itum in *Babyloniæ*: *Susa* capta: inde ad *Persas*, *Hyrcanos*, *Parthos*, *Scythas*, trajecto etiam *Orexate* fluvio. Hinc in *Indiam* *Nisam* urbem expugnat, & ad *Hydaspin* fl. superat Porum, inque equi sui defuncti memoriam condit *Bucephalam*. Regressus hortante exercitu *Mallos* vincit & *Gymnosophistas*, totosque menses septem *Indo* flumine vehitur usque in *Oceanum*. Hic exercitu inter se & *Nearchum* classis præfectum, diviso, ipse terrestri itinere *Gedrosiam* contendit, *Nearchus* mari. Inde ipse in *Persidem*, *Nearchus* in *Oceanum*. *Calanus* Indus rogo se iniicit. *Susis* Alexander *Darii* filiam uxorem ducit. Inde in *Mediam* abit, ubi mortuus *Hephæstion*. Naves *Euphrati* subiectæ redeunt. Alexander *Babylonem* invehitur, moriturque anno ætatis trigesimo tertio.

Postquam